



MAC 2024

SIAPA KAMI?

Cahaya Society ialah organisasi yang berdaftar dengan Jabatan Pendaftaran Pertubuhan Malaysia sebagai Pertubuhan Pendidikan Anak Cahaya Sabah.

Ditubuhkan pada Januari 2019 dan berfokus pada kepada advokasi pendidikan alternatif untuk anak-anak tanpa negara, kebajikan sosial dan pemberdayaan komuniti di Sandakan, Sabah.

Selain itu, Cahaya Society juga aktif dalam menerbitkan karya dan tulisan tempatan di laman rasmi menerusi ruangan Arkib Cahaya bagi mengangkat apresiasi terhadap tulisan sama ada berbentuk ulasan buku, reviu filem, puisi, mahupun cerpen.

Demi Pendidikan,

Merdeka!



BIKIN APA?



Kunjungan Earthworm Foundation

Perkenalan dan perkongsian bersama Earthworm Foundation berkaitan advokasi pendidikan kanak-kanak tanpa negara di kawasan ladang di Sabah, Malaysia.



Kursus Guru Alternatif Sabah

Mengikuti kursus gabungan guru alternatif di seluruh Sabah anjuran Borneo Komrad dan Etania Schools di Pusat Komuniti Pacos Trust. Saling belajar dan memperkukuh jaringan demi pendidikan berimpak.



Kelas Pendidikan Perempuan

Kelas yang mendedahkan tentang kebersihan dan penjagaan diri perempuan oleh Cikgu Ain- aktivis HELWA ABIM Sabah. Anak-anak turut diberikan pendedahan tentang bahaya sexual grooming di media sosial.



Bengkel Memasak

Bengkel ini disusun oleh Kelab Alumni Cahaya sempena merayakan Hari Perempuan Sedunia dengan penglibatan ibu komuniti (ibukom) dan anak-anak perempuan cahaya. Merdeka perempuan!

W A R T A C A H A Y A



Sungkai Percuma

Program agihan juadah terbuka kepada komuniti dan insan jalanan berkonsepkan Dapur Jalanan dengan dana dan tajaan awam.



Bengkel Guru Komuniti (BERGERAK)

BERGERAK adalah program tahunan (dua siri) menghimpunkan guru komuniti (gurukom) daripada lebih 7 Pusat Pembelajaran Alternatif termasuk ALC Indonesia di Sandakan, Sabah.



Kempen #MadaniPasangTelinga

Kempen menolak pindaan regresif berkenaan kewarganegaraan oleh KDN. Penganjuran webinar dan kempen video pencerahan tentang ketanpanegaraan dan pindaan regresif yang zalim dan menindas untuk pencerahan masyarakat.



Lawatan Program Nutrisi

Program Nutrisi adalah kerjasama Cahaya Society bersama UNICEF Malaysia. Lawatan ini bertujuan untuk pembentangan data dapatan program terkait isu malnutrisi dan perkembangan nutrisi anak-anak di Pusat Pembelajaran Cahaya.

BIKIN APA?



Farmasi Perempuan

Kerjasama HELWA ABIM Sabah mewujudkan sudut Farmasi Perempuan dengan membekalkan alat kebersihan perempuan yang asas untuk kegunaan anak-anak perempuan dan komuniti.



Bengkel Ukulele Cahaya

Kelab Alumni Cahaya menjalankan Bengkel Ukulele bersama anak-anak Ikhlas Bakti sekaligus penyerahan sumbangan Kit Pertolongan Cemas menerusi kempen kesedaran #SemuaSelamat.



Tournament Free Fire

Anak-anak cahaya bertanding untuk memilih leader bagi guild Free Fire yang bakal dicipta untuk tujuan penglibatan anak-anak dalam sukan e-sport bersama orang luar selepas ini.



Majlis Sunkai Cahaya

Program bersiri setiap Jumaat-Sabtu. Aktiviti terbuka bersama komuniti, terawih berjemaah, tadarus dan LDK bersama anak-anak dengan dana tajaan oleh restoran, individu dan organisasi.



ANALISIS DARI BAWAH

Komuniti & Air Tuhan

“ Menolak pemenuhan hak asasi manusia berarti menentang kemanusiaan itu sendiri. Membuat seseorang berada dalam penderitaan dengan kelaparan dan hidup yang penuh kekurangan (kemiskinan) berarti tidak memanusiakan mereka” (Nelson Mandela)

Komuniti tak bernegara di Sabah. Derita mana yang tidak dicicipi dengan penuh nikmat dan setia (Bertahun lamanya)? Kekurangan apa yang tidak dilengkapkan lagi dalam diari hidup ? berlawan atau bermesra pada nasib umpama teman bermain yang kekal abadi.

Memasuki tahun 2024 komuniti rentan di beberapa perkampungan dilanda kerecaman bekalan air bersih yang layak pakai. Kebergantungan pada sumber alam sekeliling seperti air mata air, air graviti dan perigi tua telah hilang dibaham kemarau dan perubahan iklim yang tidak ekstrim di Negara kita.

Kekurangan air bersih ini telah membawa kepada jangkitan dan masalah kesihatan yang kritikal baik di komuniti darat dan juga di pulau-pulau. Komuniti banyak menerima jangkitan “ Scabis” (Kudis Buta), Dihaidrasi, Cirit-birit dan gata-gatal.

Komuniti yang terhad ekonominya tidak banyak pilihan, akan terus mengkomsumsi air kuning, berbau dan berasa asam tanah untuk kehidupan harian mereka.

oleh: **Randy Kevin**



(Lokalti Komuniti)



(Peta Komuniti)

Sebahagian komuniti yang berkemampuan, akan membeli bekalan air bersih daripada penduduk tempatan yang mempunyai bekalan air daripada Jabatan Air. Lebih syahdunya komuniti membeli dengan kadar RM0.50 Sen ke RM2 Ringgit pada sebalai air setiap hari. Kehidupan lebih menekan apabila satu keluarga komuniti itu memiliki jumlah keluarga yang besar sehingga harus menghabiskan sebanyak RM30-40 Ringgit untuk membeli bekalan air dalam waktu sehari.

DAPATAN DI LAPANGAN

Masalah Bekalan Air Sepanjang Tahun

Masalah air untuk komuniti rentan di Sandakan dialami sepanjang tahun, didapati ada beberapa kampung telah mengalami masalah air sejak 10 tahun yang lalu. Komuniti hanya bergantung dengan bekalan air graviti yang tidak stabil. Apabila musim hujan air menjadi keruh dan kuning serta berbau tanah dan pada ketika musim kemarau bekalan air menjadi kosong. Komuniti di Pulau-pulau dan perkampungan setinggan lainnya bergantung dengan mata air dan air perigi yang juga memerlukan hujan yang konsisten turun sepanjang tahun bagi memenuhi kebutuhan komuniti.



Masalah Jangkitan Penyakit

Kekurangan bekalan air bersih telah menyebabkan banyak masalah penyakit yang timbul terutama sekali dikalangan kanak-kanak. Berdasarkan pemerhatian di lapangan kanak-kanak banyak mengalami masalah kudis buta, gatal-gatal cela-cela jari, masalah cirit-birit dan dihidrasi. Kanak-kanak lebih terdedah disebabkan mereka lebih aktif bermain dan kurang memfokuskan menjaga kebersihan seperti mandi dengan kerap, pakaian sentiasa dicuci dengan bersih dan minum banyak air bersih.

Kos Kesihatan

Bagi komuniti yang mengalami masalah ini seringkali berhadapan dengan masalah rawatan yang jauh lebih tinggi kosnya berbanding komuniti lokal. Komuniti akhirnya banyak hanya membiarkan masalah kesihatan diri mereka dan keluarga mereka. Jika tidak, mereka akan bergantung pada ubat kampung dan ubat-ubatan kedai yang tidak lengkap dan memenuhi semua kebutuhan masalah kesihatan komuniti.

BULAN DEPAN, BIKIN APA?

W A R T A C A H A Y A

Prihatin Komuniti

Agihan pek bekalan asas kepada komuniti rentan di sekitar Sandakan, Sabah menerusi program Ramadan Untuk Semua.

Majlis Raya Cahaya

Acara Rumah Terbuka untuk komuniti cahaya untuk sambutan Hari Raya Aidilfitri dan agihan sampul raya kepada anak-anak cahaya.



W A R T A C A H A Y A

GARAJ
CAHAYA

TERIMA KASIH!
MAGSUKUL!

Pertubuhan Pendidikan Anak Cahaya Sabah

8603686012 (CIMB Bank)



CAHAYA ENTERPRISE-QR

"Pendidikan Untuk Semua"

🌐 cahayasociety.org
✉ cahayasociety@gmail.com
☎ 089 666 915